

أغاني الحضانة اللبنانية



هالڤيسان شو حلوين



هالڤيسان
شو حلوين
عم بيدوروا حول
امهن مبسوطين
شربوا مي
قالوا خي
رفعوا راسهن شكروا
ربهن ممنونين

ما بخافوا لا لا
شو ما شافوا لا لا
امهن وحن وهني
حدها فرحانين
بتطعميهن
وبتسقيهن
وبتحميهن تحت
جناحها دفيانين

ألف باء بوباية



ألف باء بوباية
قلم رصاص ومخّاية
أنا بكتب على اللّوح
وإنّو بتقرو وراي
ألف باء بوباية
قلم رصاص ومخّاية
أنا بكتب على اللّوح
وإنّو بتقرو وراي
حرف الألف
إمّي
حرف الباء
بيّي
حرف التاء
تيتا
حرف الثاء
ثريّا
عيني كيف مضوّاية
ألف باء بوباية
قلم رصاص ومخّاية
أنا بكتب على اللّوح
وإنّو بتقرو وراي

غسل وجهك يا قمر



غسل وجهك يا قمر
بالصابونة وبالبحر
وينك يا قمر
عم غسل وجهي

مشط شعرك يا قمر
والمشط الحلو وانكسر
وينك يا قمر
عم مشط شعري

غسل وجهك يا قمر
بالصابونة وبالبحر
وينك يا قمر
عم غسل وجهي

مشط شعرك يا قمر
والمشط الحلو وانكسر
وينك يا قمر
عم مشط شعري

عمي بو مسعود



عمي بو مسعود عيونو
كبار وسود
بياكل مايشبع عمي بو
مسعود

شو فطرت اليوم يا عمي
بومسعود؟
تروقت خمسين بيضة
وشربت برميل حليب
وست عشر صحن مربى
وبعدني جوعان

شو راح تتغدى يا عمي بو
مسعود؟
راح باكل عشر خواريف
وبدي اشرب نهر مي
واكل مية ليمونة وراح
ابقى جوعان

كلن عندن سيارات



كلن عندن سيارات
وجدي عندو حمار
بيركبنا خلفو
وبياخذنا مشوار
والبوليس يصفرو
ويايدوا ويأشرلو
سيارات تزمرو
باب باب باب
وحمارو ما بيمشي
غير تحت السما الزرقا
وجدي أد ما بيحبو
علقو خرزة زرقة
لمن بتشتي الدنيا
بتنزلو نقط الماي
بيتخبى تحت بلكون الحي
وحماروا لجدي
بيطلع عالجيل
وتجد مركبلو
راديو وشباك
تا يدفى أيام البرد

عندي بيبي اسمها سيسى



عندي بيبي اسمها سيسى
لونها أبيض ومنقى
بتلحقني بتخبا عليها
بتطل بقلها بقا
كل ما إرجع من مدرستي
بتلاقيني
وحدى ع طول بتبقى
مرة كنا بمشوار
انا وهي بالحقلة
شافت حد النبعة فار
ركضت عملتو قتله
رجعت لي، عيونها كبار وعم
تضحكلي
برافو عليك يا سيسى
ومرة كنا عم نمشي
قدام دكانة أسعد
شافت جاي خلف الكوع
كلب الجيران الأسود
ركضت لي، وع إيدي غلت
في
يا عيب الشوم يا سيسى